

林之辭集注

第六冊

林祥集注

卷一

楚辭後語卷第三

絕命詞第十七

絕命詞者漢息夫躬之所作也躬以變告東平王雲祠祭祝詛事拜官封侯而雲坐誅死後又數上䟽論事語皆險譎竟以罪繫詔獄仰天大嘯絕咽而死躬以利口作姦死不償責而此詞乃以發忠忘身號于上帝甚矣其欺天也特以其詞高古似賈誼故錄之而備其本末如此又以見文人



無行之不足貴云

玄雲決鬱將安歸兮鷹隼橫厲鸞徘徊兮

決鳥助反

○決鬱盛兒厲疾飛也鸞神鳥也徘徊不得其所也

增若浮焱動則機兮

叢棘棧棧曷可棲兮

焱必遙反棧仕巾反○增弋射矢也焱疾風也機謂

觸其機牙也棧衆盛兒

發忠亡身自繞囟兮冤頸折翼庸

得往兮

囟與網同○冤屈也庸猶何也此上皆以鸞自喻也

涕泣流兮荇

蘭心結惛兮傷肝

荇音栢惛音骨○荇蘭涕下闌干也結惛亂也

虹蜺

曜兮日微孽杳冥兮未開

蜺開叶音歸○孽虹蜺覆日之氣也

痛

入天兮鳴嘒冤際絕兮誰語

嘒火故反語牛助反○際交也

仰

天光兮自列招上帝兮我察招呼也秋風爲我吟

浮雲爲我陰吟古字嗟若是兮欲何留撫神龍兮

檻其須留叶音間或云如字而須叶音秋游曠迥兮反亡期雄

失據兮世我思自言英雄失據後當爲世所思也

思立賦第十八

晁氏曰思立賦者漢侍中張衡之所作也順帝引在幃幄諷諭左右嘗問衡天下所疾惡者官官懼其毀已皆共目之衡乃詭對而出猶共危衡衡常思圖身之事以爲吉凶隱伏幽微難明迺作思立賦以宣寄情志云

仰先哲之立訓兮雖彌高其弗違匪仁里其焉

宅兮匪義迹其焉追潛服膺以永覲兮綿日月
而不衰伊中情之信脩兮慕古人之貞節竦余
身而順止兮遵繩墨而不跌志團團以應懸兮
誠心固其如結旌性行以制佩兮佩夜光與瓊
枝縞幽蘭之秋華兮又綴之以江蘼美璞積以
酷烈兮允塵邈而難虧旣姱麗而鮮雙兮非是
時之收珍奮余榮而莫見兮播余香而莫聞幽
獨守此仄陋兮敢怠皇而舍勤幸二八之還虞
兮喜傳說之生殷尚前良之遺風兮恫後辰而

無及何孤行之煢煢兮予不羣而介立感鸞鷖
之特棲兮悲淑人之稀合彼無合其何傷兮患
衆僞之冒真旦獲譴于羣第兮啓金滕而乃信
覽蒸民之多僻兮畏立辟以危身曾煩毒以迷
或兮羌孰可與言己私湛憂而深懷兮思續紛
而不理願竭力以守義兮雖貧窮而不改執雕
虎而試象兮貼焦原而跟止庶斯奉以周旋兮
要旣死而後已俗遷渝而事化兮泯規矩之圓
方珍蕭艾於重筍兮謂蕙芷之不香片西施而

弗御兮羈要褻以服箱行陂僻而獲志兮循法
度而離殃惟天地之無窮兮何遭遇之無常不
抑操而苟容兮譬臨河而無航欲巧笑以干媚
兮非余心之所嘗襲溫恭之敝衣兮披禮義之
繡裳辯貞亮以爲鞶兮雜技藝以爲珩昭綵藻
與雕琢兮璜聲遠而彌長淹棲遲以恣欲兮燿
靈忽其西藏恃已知而華予兮鵲鳩鳴而不芳
冀一年之三秀兮道白露之爲霜時疊疊而代
序兮疇可與其比伉咨妒嫫之難並兮想依韓

以流亡恐漸井而無成兮留則蔽而不章心猶
與而狐疑兮即歧趾而據情文君爲我端著兮
利飛遁以保名歷衆山以周流兮翼迅風以揚
聲二女感於崇岳兮或氷折而不營天蓋高而
爲澤兮誰云路之不平勗自強而不息兮蹈玉
階之嶢崢懼筮氏之長短兮鑽東龜以觀禎遇
九臯之介鳥兮怨素意之不逞遊塵外而瞥天
兮據冥翳而哀鳴鵬鷃競於貪婪兮我脩絜以
益榮子有故於玄鳥兮歸母氏而後寧占旣吉

而無悔兮簡元辰而俶裝旦余沐於清原兮晞
余髮於朝陽漱飛泉之瀝液兮咀石菌之流英
翔鳥舉而魚躍兮將往走乎八荒過少皞之窮
野兮問三丘乎句芒何道真之淳粹兮去穢累
而票輕登蓬萊而容與兮鼇雖抃而不傾留瀛
洲而採芝兮聊且樂乎長生憑歸雲而遐逝兮
夕余宿乎扶桑噲青岑之玉醴兮餐沆瀣以爲
糧發昔夢於木禾兮穀崑崙之高岡朝吾行於
湯谷兮從伯禹於誓山集羣神之執玉兮疾防

風之食言指長沙以邪徑兮存重華乎南鄰哀
二妃之末從兮翩儼覩彼湘瀕流目頻夫衡阿
兮睹有黎之圯墳痛火正之無懷兮託山陂以
孤魂愁蔚蔚以慕遠兮越邛州而愉敖躋日中
于昆吾兮憩炎天之所陶揚芒爍而絳天兮水
洊沄而涌濤溫風翕其增熱兮怒鬱邑其難聊
顓羈旅而無友兮余安能乎留茲顧金天而歎
息兮吾欲徃乎西嬉前祝融使舉麾兮纒朱鳥
以承旗躔建木於廣都兮拓若華而躊躇超軒

轅於西海兮跨汪氏之龍魚聞此國之千歲兮
曾焉足以娛余思九土之殊風兮從蓐收而遂
徂歛神化而蟬蛻兮明精粹而爲徒蹶白門而
東馳兮云台行乎中野亂弱水之潺湲兮逗華
陰之湍渚號馮夷俾清津兮權龍舟以濟予會
帝軒之未歸兮悵相伴而延佇咽河林之蓁蓁
兮偉關雎之戒女黃靈詹而訪命兮摻天道其
焉如曰近信而遠疑兮六籍闕而不書神達昧
其難覆兮疇克謨而從諸牛哀病而成虎兮雖

逢昆其必噬齧令殪而尸亡兮取蜀禪而引世
死生錯而不齊兮雖司命其不晰竇號行於代
路兮後膺祚而繁廡王肆侈於漢廷兮卒銜恤
而絕緒尉厖眉而郎潛兮逮三葉而邁武董弱
冠以司袞兮設王隧而弗處夫吉凶之相仍兮
恒反側而靡所穆負天以悅牛兮豎亂叔而幽
主文斷袪而忌伯兮闡謁賊而寧后通人闇於
好惡兮豈愛惑之能剖羸擿讖而戒胡兮備諸
外而發內或輦賄而違車兮孕行產而爲對愼

竈顯於言天兮占水火而妄誅梁叟患夫黎丘
兮丁厥子而事刃親所睇而弗識兮矧幽冥之
可信毋綿攀以滓已兮思百憂以自疚彼天監
之孔明兮用斐忱而佑仁湯蠲體以禱祈兮蒙
厖褫以拯人景三慮以營國兮榮惑次於它辰
魏顥亮以從理兮鬼亢回以敝秦咎繇邁而種
德兮樹德茂乎英六桑末寄夫根生兮卉旣彫
而已毓有無言而不讎兮又何徃而不復盍遠
迹以飛聲兮孰謂時之可蓄仰矯首以遙望兮

塊噉惘而無儔偏區中之隘陬兮將北度而宣
遊行積水之磴磴兮清泉汙而不流寒風淒而
永至兮拂穹岫之騷騷玄武縮於殼中兮騰蛇
蜿而自糾魚矜鱗而并凌兮鳥登木而失條坐
太陰之屏室兮慨含秋而增愁怨高陽之相寓
兮偻頽頊而宅幽庸織絡於四裔兮斯與彼其
何瘳望寒門之絕垠兮縱余緹乎不周迅飈瀟
其淒我兮驚翩飄而不禁趨谿澗之洞穴兮標
通淵之砢砢經重陰乎寂寥兮愍墳羊之潛深

追慌忽於地底兮軼無形而上浮出右密之閭
野兮不識蹊之所由速燭龍令執炬兮過鍾山
而中休瞰瑤谿之赤岸兮弔祖江之見劉聘王
母於銀臺兮羞玉芝以療飢戴勝愁其旣歡兮
又謂余之行遲載太華之玉女兮召洛浦之宓
妃咸姣麗以蠱媚兮增嫵眼而娥眉舒妙婧之
纖腰兮揚雜錯之袿微離朱脣而微笑兮顏的
礚以遺光獻環珉與璵璠兮申厥好以玄黃雖
色豔而賂美兮志浩盪而不嘉雙材悲於不納

兮並詠詩而清歌歌曰天地烟煴百卉含葩鳴
鶴交頸睢鳩相和處子懷春精魂回移如何淑
明忘我實多將答賦而不暇兮爰整駕而亟行
瞻崑崙之巍巍兮臨滎河之洋洋伏靈龜以負
坻兮亘螭龍之飛梁登閭風之曾城兮構不死而
爲牀屑瑤縈以爲糝兮斟白水以爲漿抨巫咸
以占夢兮迺貞吉之元符滋令德於正中兮含
嘉秀以爲敷旣垂穎而顧本兮爾要思乎故居
安和靜而隨時兮姑純懿之所廬戒庶寮以風